

敬
言
铎

警鐸卷二

抱義子降

萬惡淫為首

人誰首惡除

要知奸即殺

斷送悔當初

戒淫

易曰。有天地然後有萬物。有萬物然後有男女。有男女然後有夫婦。夫婦為人倫之始。所以繼宗祧治內外合陰陽者也。陰陽和而後雨澤降。夫婦和而後家

道成。故古人相敬如賓。和而有節。多男多壽。可操券
焉。蓋人秉父母之精氣以生。所謂先天一炁也。能慎
守之。則富貴壽考。聖賢仙佛。舉不外此。苟斲喪之。則
疾病夭折。似續維艱。況其他乎。然則慾固不可不節
也。而況縱淫乎。或曰。如子言。夫婦大倫。猶當節制。彼
縱淫者。寄情花柳。恣意懽愉。甚至敗人閨闥。喪人貞
節。悖理亂倫。污及清淨。比頑童。奸僕婢。種種不法。忍
心為之。胡天不降以鞠凶。施以慘報。使若輩有所懼

乎。曰。今之青樓妓女。即代彼父兄夫壻償淫債者也。人不惜父母之身。千金買笑。以圖狎暱。是又使己之妻女代償也。冷眼觀之。不置一哂。而況毒發瘡生。覆宗絕嗣。鍾情浪子。愚可醫哉。若夫深閨處女。白玉無瑕。年少孀居。青松勵節。君子處此。尤當謹懍。乃狂且縱慾。引誘多方。璧既不完。雪亦寡色。致使于歸之日。忍辱難言。九京有知。故夫抱痛。而欲不播醜聲。不遭冥譴。得乎。至於悖理亂倫。凡有血氣者。無不髮指。夫

分居叔伯。教訓惟恐不嚴。親若弟兄。友愛惟恐不到。笑謔猶不可也。況可得而犯之乎。乃禽獸不如。或烝或報。或奸子婦。或犯兄妻。嗚呼。覩然人面。為此不良。先靈有知。當亦痛恨殄滅之不早矣。彼夫祝髮禪林。棲身尼院。脫離塵網。跳出愛河。固鬼神之所呵護者。也。乃很惡小人。絕無忌憚。玷污佛地。敗壞清規。己身受譴。不足惜也。待超先靈。永墮地獄。能無恫乎。更有非類相從。分桃斷袖。其相處也。如兄如弟。其相愛也。

如夫如婦。此則貪彼之歡。彼則乘此之隙。以至若姊若妹。若姑若嫂。一概為彼所辱。醜聲四播。無地自容。因而投繯者有之。服毒者有之。是誰之罪歟。而況其子若弟。皆屬青年。天道好還。能無悚懼。至若富厚之家。或僱乳婦。或蓄僕婢。日任指頤。夜圖歡會。抑思人舍己子而飼爾子。其夫固有無限淒涼。無限疑忌。特為家計所迫。姑忍隱就之耳。我獨何心。忍亂之乎。夫婢女亦人子也。因貧而鬻。我即彼之父母也。當以子

女例視之。而忍挾勢以亂之乎。而况櫻悍妻之妬。投暗室之胎。祖宗積累。傾洩無餘。風水鍾靈。盡歸他族。既斬先人之祀而已。成子女不復婚配。猶必如其孽。而一一償之。嗚呼。報亦慘矣。凡茲數者。信而有徵。固非想象也。然則淫可不戒哉。吾謂人欲戒淫。必自意淫始。蓋淫根不斷。則百惡俱生。見他色美。生愛慕心。愛慕未遂。生穿窬心。或被人見。生瞋怒心。或被人責。生謀害心。種種惡孽。皆由此一念之差。以成之。甚矣。

其惡也。然欲戒意淫。必不看淫書。不履邪地。不聽淫言。不道邪語。而後可也。其故何哉。淫書者。所以開人情竇者也。邪地者。所以陷人為非者也。淫言邪語者。所以聳人聽聞。惑人心志者也。四端不戒。則君子日遠。小人日親。所見所聞。無非淫穢。心性日昏。罪孽日大。其害不可勝言。戒此四端。則親君子。遠小人。耳濡目染。無非至正。於是非禮之事。不敢偶蹈。害理之行。焉得妄為。操持既久。品行日純。普告同人。迷津共出。

上以報天地祖宗之恩。下以造妻子孫曾之福。其德豈有既歟。贊化真人降

戒賭

世之最可畏者。莫猛獸若。而較猛獸為尤惡者。莫如設局引誘。慣作天老干之賭痞。始則娼寮引入。魂斷花臺。既而詭陣重圍。命遭毒網。又或甘言是餌。共設局謀害他人。那知圈套已成。執偽具欲鳴邑宰。不得

已吞聲飲泣。暗地和銷。倘或遇吏毒官貪。家資蕩盡。
其尤可惡者。竟敢山盟海誓。以猥事借鑒神明。因而
剜肉割肝。從此後絕無顧忌。視禁約如兒戲。假公地
為排場。是名邀豬進樓。莫不倩人帶局。歎少小無多
閱歷。思解免其何從。迄虧累不獲補償。有衷懷而莫
白。恨牢籠之誤入。寃不能伸。既羅掘之皆窮。計惟自
盡。嗟嗟。幾多枉死。無限傷懷。年少為多。客商不少。若
輩則逍遙法外。服物盡僭。擬王公。徵逐花街。輿馬悉

警金 卷二
任從揮霍。地方不靖。職此之由。風俗之衰。於茲為甚。
事既關乎風化。正人與有責焉。力不竭乎維持。為害
伊胡底也。用竭鄙忱。恭疏短引。所望仁人君子。黜邪
崇正。力挽頽風。除暴安良。共謀公益。地方幸甚。吾神
幸甚。

戒賭之文。汗牛充棟。而此獨將賭痞癥結。抉發
無遺。少年子弟。尚其奉為萬金良藥。

蓬萊散仙降

人間最毒是洋煙

癡蠢頑夫日夜眠

擾擾塵寰渾若夢

茫茫苦海本無邊

英雄誤困知多少

豪傑沈淪已萬千

大劫臨頭知也未

何如早上渡人船

鴉片為害夫人知之矣。今雖懸為厲禁。而私種私
喫者仍不乏人。聊具數言。以作當頭一棒。

自來越誇黑土。楚重紅瓢。黔尚青山。滇崇白水。鴉片
之名。由來舊矣。今則種傳櫻粟。花號芙蓉。來自外洋。

毒流中國。欲窮其害。更僕難終。或行路艱難。藉此以壯足力。或旅館孤獨。藉此以破寂寥。或酒地花天。藉此助消閒之興。或牌場賭局。藉此作度夜之方。或因病而嘗。或因玩而吃。及有癮也。則設鎗椎燈托膏泡盒盤一榻橫陳。五更不睡。三竿日上。正是鼾寢之時。兩度飯過。猶作晨餐之進。牀頭枕畔。好似流水高山。夜永更長。須具冰桃雪藕。疲頑已極。振作殊難。父母在堂。難奉甘旨。於朝暮。妻子在室。不能模範於家庭。

慶弔往來。置應酬而不問。賓朋酬酢。悉迴避而難支。
暮吃朝吹。那識風寒日烈。兒啼妻怨。特裝地啞天聾。
若是可謂人乎。彼猶忻然喜曰。北窗高卧。我是羲皇
上人。南土不佳。須學廣寒仙子。嗚呼。本聰明之質。穎
悟之資。胡迷困至斯極乎。錮蔽日深。窮乏日甚。昔之
席豐履厚。富擁倉箱者。今則家無長物矣。昔之年富力
強。才堪棟樑者。今則不值一錢矣。更有志在聖賢。
閔深是造者。今則志已隳矣。名登鼎甲。致澤為懷者。

今則名已傾矣。父母之所望無望矣。尊長之所愛不愛矣。朋友之所重不重矣。鄉黨之所尊不尊矣。好事全無。惡名日集。不遵父母之訓。不孝也。不聽尊長之言。不弟也。難報君恩。不忠也。鮮交良友。不信也。衣食難全。不禮也。俯蓄有缺。不義也。雞鳴狗盜。賣笑為娼。無廉恥也。因此煙癖。以致八德全無。是亦不可已矣乎。況今列強逼處。虎視鷹瞵。倘猶頽廢自甘。蠅營狗苟。昏昏夢夢。長嘯傲於煙霞。泯泯勞勞。定殲除其族。

類際此仙佛大開法門。惟望眾生早除煙癖。猶或執迷不悟。必罹滅種之凶。亟請全籌。毋遺後悔。覺迷仙子降

人生大地等浮鷗

何事相爭日怨讐

留得和風惠孫子

縱無建樹亦千秋

息訟說

人生斯世。電光耳石火耳。壽之長者。不過六七十年。其短者。率三四十一年。既與兄弟朋友親戚伯叔一切

有情。同在景風淑氣之中。固三生有幸。而後得此奇緣也。乃或者於六七十年。三四十一年中。日尋隙於親朋戚友兄弟伯叔。以婚姻田土錢債口角諸細事。共相爭論於公庭。其故果安在哉。夫聽訟猶人。必使無訟。孔子難之。其必是非曲直。有萬無可解之事。而後質之公庭。故周禮司寇。必先納束矢鈞金。而後聽之。所以重其事也。若夫薄物細故。無甚冤仇。淑慝無難立剖也。乃必恃勢欺陵。變亂白黑。包藏險心。以自取